

A Xunta de Goberno desta Deputación Provincial na súa sesión ordinaria do día 24 de outubro de 2024, adoptou, entre outros, o seguinte acordo:

7.34295.- APROBACIÓN DO EXPEDIENTE DE CONTRATACIÓN PARA A “ADXUDICACIÓN DO PROCEDEMENTO ABERTO CONVOCADO PARA CONTRATACIÓN DO SERVIZO DE ASISTENCIA TÉCNICA ADMINISTRATIVA EN TAREFAS DE COLABORACIÓN MATERIAL NA COMPROBACIÓN TRIBUTARIA EN MATERIA DE TAXAS E OUTROS TRIBUTOS”. (Expte.2024027993)

A Deputación, de conformidade co establecido no art. 36 da Lei 7/1985, de 2 de abril, reguladora das bases de réxime local (LRBRL en adiante), establece que son competencias propias a “Asistencia na prestación dos servizos de xestión da recadación tributaria, en período voluntario e executivo, e os de servizos de apoio á xestión financeira dos municipios con poboación inferior a 20.000 habitantes” así como a “asistencia e cooperación xurídica, económica e técnica aos municipios, especialmente aos de menor capacidade económica e de xestión”.

Segundo o disposto no art. 106.3 da LBRLL, é competencia das entidades locais a xestión, recadación e inspección dos seus tributos propios, sen prexuízo das delegacións que poidan outorgar a favor das entidades locais de ámbito superior ou das respectivas Comunidades Autónomas, e das fórmulas de colaboración con outras entidades locais, coas Comunidades Autónomas ou co Estado, de acordo co que estableza a lexislación do Estado.

Así mesmo de conformidade no art. 7 da citada Lei “as entidades locais poderán delegar na comunidade autónoma ou noutras entidades locais en cuxo territorio estean integradas, as facultades de xestión, liquidación, inspección e recadación tributarias que esta lei lles atribúe.

Os traballos contratados reforzarán materialmente as tarefas de comprobación que serán dirixidas e realizadas en todo momento polo Servicio de Inspección tributaria e procedementos sancionadores, non constituíndo en ningún caso, a colaboración externa proposta unha fórmula de xestión indirecta ou de transferencia a particulares de funcións públicas.

Quedan excluídas do obxecto do contrato todas aquelas actuacións que impliquen exercicio de autoridade ó amparo do disposto nos arts. 60, 61 e 169 do Real Decreto 1065/2007, de 27 de xullo, polo que se aproba o Regulamento Xeral das actuacións e os procedementos de xestión e inspección tributaria e de desenvolvemento das normas comúns dos procedementos de aplicación dos tributos, que serán realizadas en todo momento polo Servicio de Inspección e procedementos sancionadores do ORAL.



Coa finalidade de reforzar os recursos tributarios propios dos municipios, cuestión intimamente ligada aos principios de autonomía municipal e suficiencia financeira, esta Tesourería coa conformidade do Deputado delegado en data 12/07/2024, tomou a iniciativa de iniciar un procedemento para a contratación de traballos de asistencia técnica e colaboración material na comprobación tributaria de taxas dos Concellos delegantes coa finalidade de xeneralizar as cargas tributarias e regularizar a situación tributaria de todos os contribuíntes, así como doutros tributos que puntualmente sexan necesarios.

É preciso indicar que sendo os traballos de mantemento dos padróns, en si mesmos, unha tarefa recorrente no tempo, os traballos que se pretenden acometer, constitúen unha posta ao día extraordinaria que alcanza a referenciación catastral de aproximadamente 14.000 obxectos tributarios, así como a elaboración de fichas censuais que provocan disfuncións na xestión tributaria.

Por outra banda, tendo en conta a Lei 7/2022, de 8 de abril, de residuos e solos contaminados, proximamente será necesaria a elaboración dunha nova ordenanza fiscal xenérica para os Concellos delegantes da provincia e que implican a necesidade de revisar, con carácter xenérico, elementos tributarios, ou elaborar informes sobre feitos impositivos. Así mesmo, faise necesaria a asistencia técnica e administrativa en traballos de colaboración e asistencia para que polo Servizo de Inspección e Procedementos sancionadores se tramiten os expedientes de comprobación limitada que procedan.

A Deputación de Pontevedra -ORAL carece de medios materiais e humanos suficientes para a correcta prestación deste servizo, dado o elevado volume de traballos que implican a comprobación material no territorio mediante traballos de campo, recompilación de información; polo que se considera imprescindible contar co apoio técnico e administrativo dunha empresa especializada na prestación destes servizos de colaboración material.

O orzamento base de licitación para un ano de contrato (límite máximo de gasto, incluído o IVE) ascende á cantidade de 175.583,23€, que se adecúa aos prezos do mercado, segundo se detalla no estudo de costes que figura no expediente CIVIDAS co csv MWBQVUD0NMY3JWVW.

Os prezos unitarios licitación, segundo se fundamenta no estudo de costes que figura no expediente, son os seguintes:

PREZO UNITARIO PARTE A1	1,82€
PREZO UNITARIO PARTE A2	6,91€
PREZO UNITARIO PARTE B	21,77€
PREZO UNITARIO PARTE C	116,09€

Xunto coa proposta remitiuse o prego de prescricións técnicas que rexerá nesta contratación.



O Xefe do servizo de Contratación emite memoria xustificativa para a pretendida contratación, co csv 75UVCIOUSZUMDZWFO, na que se xustifica que o réxime xurídico do contrato é o de administrativo de servizos así como a elección do procedemento de adxudicación aberto suxeito a regulación harmonizada atendendo a diferentes criterios de valoración (mellor relación calidade – prezo).

Resultando que a Intervención emite documento de retención de crédito RC número de operación 202400157516 por importe de 58.527,74€ con cargo a aplicación orzamentaria 2024/932.9320.22706 e RC FUT num 202400157517 por importe de 117.055,23€ con cargo a aplicación 2025/932.9320.22706. Os importes correspondentes a anualidade 2025 quedarán condicionados a aprobación dos respectivos orzamentos e a existencia de crédito adecuado e suficiente nos mesmos.

Visto que o servizo de Contratación elabora o borrador de prego de cláusulas económico-administrativas particulares, e, con data 19/08/2024 solicita o preceptivo informe á Secretaría.

Tendo en conta o informe favorable da Secretaría Xeral, de data 12/09/2024 e as observacións contidas no mesmo, csv 3OJGQE3H8LE1B9GD.

Visto que con data 13/09/2024 o servizo de Contratación solicita o preceptivo informe de fiscalización á Intervención, nos termos previstos na Lei 47/2003, de 26 de novembro, Xeral Orzamentaria.

Tendo en conta o informe favorable da Intervención, de data 17/10/2024 coas seguintes observacións e recomendacións:

“A) O procedemento de comprobación incide na referenciación catastral dos obxectos tributarios. A experiencia de contratos anteriores fai necesario que os servizos de inspección e catastral coordinen a información de xeito que non se realicen comprobacións de taxas cando se esté a realizar un procedemento de revisión catastral que poida modificar os datos catastrais, evitando así a referenciación catastral incorrecta (como xa sucedeu cos procedementos simplificados de Pontearreas ou Vilaboa).

B) O contrato anterior (2021005329), adxudicado pola Xunta de Goberno desta Deputación Provincial na súa sesión ordinaria do día 11 de febreiro de 2022, rematou o 9 de marzo de 2024, sen executar as posible prórrogas.

Ao non ter licitada a contratación coa antelación necesaria para enlazar o contrato que finalizaba coa nova adxudicación, a dotación inicial dos créditos orzamentarios da aplicación 932.9320.22706 previstos para 2024 non se axustaron ás previsións. Reitérase a necesidade dunha maior dilixencia na tramitación dos expedientes de contratación recurrentes e esenciais, incluídos dentro da programación e planificación da actividade contractual da Deputación, conforme establece o artigo 28.4 da Lei 9/2017, de 8 de novembro, de Contratos do Sector Público.(...)”.

Tendo en conta o artigo 17 da Lei 9/2017, de 8 de novembro, de Contratos do Sector Público, segundo o cal cualifícanse como contratos de servizo os contratos que teñen por obxecto prestacións de facer consistentes no desenvolvemento dunha actividade ou dirixidas á obtención dun resultado distinto dunha obra ou subministración.



Tendo en conta os artigos 116 e 117 da Lei 9/2017, de 8 de novembro, de Contratos do Sector Público, que establecen que a celebración de contratos por parte das Administracións Públicas requirirá a previa tramitación do correspondente expediente, que se iniciará polo órgano de contratación motivando a necesidade y que deberá ser publicado no perfil do contratante. Completado o expediente de contratación, dítase resolución motivada polo órgano de contratación aprobando o mesmo e dispoñendo a apertura do procedemento de adxudicación. Dita resolución implicará tamén a aprobación do gasto.

Tendo en conta o artigo 122.1 da Lei 9/2017, de 8 de novembro, de Contratos do Sector Público, que establece que os pregos de cláusulas administrativas particulares deberán aprobarse previamente á autorización do gasto ou conxuntamente coa mesma, e sempre antes da licitación do contrato, ou, de non existir esta, antes da súa adxudicación.

Por todo o exposto, ao abeiro da disposición adicional segunda da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, que, no seu apartado 1, faculta á presidenta para actuar como órgano de contratación neste contrato; do artigo 185 do Real decreto lexislativo 2/2004, de 5 de marzo, polo que se aproba o texto refundido da Lei reguladora das facendas locais; e da base de execución do orzamento 16^a.2a), que atribúe á Xunta de Goberno a autorización e compromiso dos gastos precisos para a contratación de servizos cuxo valor estimado supere o importe de 100.000,00 euros, a Xunta de Goberno acorda por unanimidade:

1.-Aprobar o expediente para a contratación, mediante procedemento aberto suxeito a regulación harmonizada, dunha “*Asistencia técnica e administrativa en tarefas de colaboración material na comprobación tributaria en materia de taxas e outros tributos nos concellos que teñen delegación expresa na Deputación de Pontevedra.*”

Os prezos unitarios de licitación son os seguintes:

Servizos a prestar	Prezo máximo unitario, sen IVE	IVE	TOTAL
Traballos parte A1	1,82 €	0,38€	2,20€
Traballos parte A2	6,91 €	1,45€	8,36€
Traballos parte B	21,77 €	4,57€	26,34€
Traballos parte C	116,09 €	24,38€	140,47€

O orzamento base de licitación para un ano de contrato ascende a: 175.583,23€.

O valor estimado do contrato ascende a: 580.440,40€.

O prazo de duración: Un ano a contar dende a formalización do contrato.

Establécese a posibilidade de tres prórrogas de un ano de duración cada unha.



2.-Aprobar os pregos de cláusulas económico-administrativas particulares (csv: DFMAE2GDQF8RS46R) e de prescricións técnicas (csv: PY1ML4NAMAV3XZ1F) que rexerán dita contratación.

3.-Autorizar o gasto por importe total de 175.583,23€ de acordo coa seguinte distribución :

Anualidade	Aplicación orzamentaria	Importe total (co IVE)
2024 (4 meses)	24/932.9320.227.06	58.527,74€
2025 (8 meses)	25/932.9320.227.06	117.055,48€
	Total	175.583,23€

O importe correspondente á anualidade 2025 quedará condicionado a aprobacións dos respectivos orzamentos e a existencia de crédito adecuado e suficiente nos mesmos.

5.- Nomear responsable do contrato á xefa do servizo de Inspección e procedementos sancionadores do Oral.

6.- Iniciar o procedemento de adxudicación do presente contrato, concedendo un prazo para a presentación de proposicións, que rematará ás 10:00 horas do día seguinte ao transcurso do prazo de 30 días naturais desde a data de envío do anuncio de licitación a Oficina de publicacións da Unión europea.

O que lle comunico a Vde. para o seu coñecemento e efectos, coa salvidade que establece o art. 206 do RD 2568/86, de 28 de novembro.

Asinado dixitalmente na data que figura á marxe.

O que lle comunico para o seu coñecemento e efectos, significándolle que, de acordo co disposto na Lei 9/2017 de 8 de novembro, de Contratos do Sector Público, contra este acordo que esgota a vía administrativa, pode interpor:

-Con carácter potestativo, recurso especial en materia de contratación regulado nos artigos 44 e seguintes da citada Lei, no prazo de 15 días hábiles. O devandito prazo computarase:

a) Cando se interpoña contra o anuncio de licitación, o prazo comezará a contarse a partir do día seguinte ao da súa publicación no perfil de contratante.

b) Cando o recurso se interpoña contra o contido dos pregos e demais documentos contractuais, o cómputo iniciarase a partir do día seguinte a aquel en que se publicou no perfil de contratante o anuncio de licitación, sempre que neste se indicase a forma en que os interesados poden acceder a eles. Cando non se fixese esta indicación o prazo comezará a contar a partir do día seguinte a aquel en que se lle entregaron ao interesado os mesmos ou este puidese acceder ao seu contido a través do perfil de contratante.

Este recurso poderá interponerse ante o órgano de contratación ou ante o Tribunal Administrativo de Contratación Pública da Comunidade Autónoma de Galicia (TACGAL).

-O recurso contencioso administrativo, ante o Xulgado do Contencioso Administrativo de Pontevedra, no prazo de dous meses, contando desde a recepción desta notificación, de conformidade co disposto na Lei 29/1998, de 13 de xullo, reguladora da Xurisdición Contencioso-Administrativa.

Todo iso, sen prexuízo de que poida exercer calquera outro recurso que estime pertinente.

